



Broj/Број: 03,03/11-05-402/07

Sarajevo/Сарајево: 13.11.2007.

**KOLEGIJU DOMA NARODA PS BIH
KOLEGIJU PREDSTAVNIČKOG DOMA PS BIH
SEKRETARIJATU**

**PARLAMENTARNA KONFERENCIJA O BORBI PROTIV KORUPCIJE U
JUGOISTOČNOJ EVROPI (GOPAC)
TIRANA, ALBANIA 05-07.11.2007. GODINE
I Z V J E Š T A J**

Delegacija Parlamentarne skupštine Bosne i Hercegovine u sastavu :

1. g. Ilija Filipović, predsjedavajući Doma naroda
2. g. Drago Ljubičić, delegat u DN PS BiH
3. g. Slobodan Šaraba, delegat u DN PS BiH
4. gđa Mirsada Bukarić-Kovačević, rukovodilac Sektora za međunarodne odnose
5. gđa Jelena Rajaković, viši stručni saradnik za multilateralu

na poziv gđe Jozefine Topali, predsjednice Parlamenta Albanije , prisustvovala je prvoj Konferenciji GOPAC-a u (parlamentarna borba protiv korupcije) u Regionu, s ciljem stvaranja alijanse zemalja Jugoistočne Evrope u zajedničkoj borbi protiv korupcije, jedne od najvećih pošasti i prepreka razvoju savremenih društava.

U pozdravnoj riječi, iskazujući dobrodošlicu učesnicima konferencije- predstavnicima zemalja: Bosne i Hercegovine, Bugarske, Crne Gore, Hrvatske, Kosova, Rumunije, članovima Kongresa SAD-a, predstavnicima OSCE-a i USAID-a, **gđa Topali** je izrazila nadu da će ovaj vid borbe dobiti prioritet u agendama naših konferencija i istovremeno izrazila nadu da će se protiv korupcije boriti oslanjajući se na standarde prihvaćene u savremenom svijetu. Istakla značaj platforme GOPAC-a, navodeći da nije dovoljno biti samo opredijeljen, već i permanentno raditi na usklađivanju i ratifikaciji konvencija protiv korupcije i posebice na transparentnosti i informisanju građana te njihovoj edukaciji (obuci).

Premijer Albanije g. Sali Beriša je u svom obraćanju učesnicima Konferencije istakao da je borba protiv korupcije u Albaniji dobila mjesto „prioriteta iznad svih prioriteta“. Posebno naglasio potrebu za transparentnošću, obavezi prema biračkom tijelu, te mjerama koje vlade, a posebno parlamenti imaju u okviru ovog vida borbe.

Skupu se obratio **i g. John L. Withers, ambasador SAD u Albaniji** koji je u prenio podršku svoje zemlje naporima koje zemlje u Regionu čine na putu borbe protiv korupcije. Zahvalio misijama OSCE-a i USAID-a koje su dale izuzetan doprinos održavanju ove konferencije upravo u Tirani.

Predsjedavajući GOPAC-a g. John G. Williams, je označio korupciju kao globalni problem, prisutan svuda u svijetu koji ne može biti tretiran jednostrano, te koji nikada neće biti iskorijenjen, ali može biti kontroliran.

G. Ilija Filipović, predsjedavajući Doma naroda PS BiH, je u svom obraćanju učesnicima Konferencije istakao da i mi, imamo korupciju, koja je problem izražen ne samo kod nas , već i u zemljama Jugoistočne Evrope i svuda u svijetu. Istina, ovaj problem je izraženiji u zemljama u tranziciji, te naveo da je BiH usvojila Strategiju za borbu protiv korupcije 2006-2010. PS BiH je

ovome problemu posvetila značajan prostor, te da je cilj dolaska naše delegacije, između ostalog, i namjera čuti u Tirani iskustva onih koji su već ostvarili svoj plan priključenja EU.

Delegacije su, prema abecednom redu izlagale svoja stajališta u vezi sa nacionalnim i globalnim programima borbe protiv korupcije

U nastavku Konferencije tretirane su teme „ Uloga parlamentaraca u borbi protiv korupcije“ i „Uloga nadgledanja komiteta u borbi protiv korupcije“ te „O regionalnom angažovanju „.

Veoma konstruktivnom diskusijom te prijedlozima proisteklim iz iskustava u svojim parlamentima, delegacije su, podržale osnivanje – uspostavu ogranka GOPAC-a za Jugoistočnu Evropu, sa statutom, članstvom i izvršnim organima.

Drugog dana zasjedanja usvojen je Ustav GOPAC-a za Jugoistočnu Evropu, te uspostavljen Upravni odbor (Direktorat).

Za predsjedavajućeg ovog tijela imenovan je g. Leonardo Demi, član Parlamenta Albanije i predsjedavajući Komiteta za nacionalnu bezbjednost a za njegove zamjenike g. Ilija Filipović, predsjedavajući DN PS BiH i gđa Virdžinija Vetinaši, član Parlamenta Rumunije.

Zvanična verzija Ustava i ostalih usvojenih dokumenata biće dostavljeni diplomatskim putem svim delegacijama – učesnicama Konferencije u Tirani.

Bilateralna saradnja:

Delegacija Parlamentarne skupštine Bosne i Hercegovine se, zvanično sastala sa gđom Jozefinom Topali, predsjednicom Parlamenta Albanije. Tom prilikom obostrano je podržana inicijativa o jačanju saradnje u Regiji-Jugoistočnoj Evropi te češćoj razmjeni iskustava naših delegacija u okviru Parlamenata BiH i Albanije. G. Filipović je izrazio zadovoljstvo organizacijom ove konferencije koja je po tematici aktuelna i mnogo šire no u samom regionu, te da je problem korupcije označio kao planetarnu pošast, koja ne zaobilazi i najrazvijenije zemlje svijeta. Gđa Topali se interesirala za zastupljenost žena u PS BiH i njihovom učešću u kreiranju političkog života BiH.

Delegaciju PS BiH je posebno pozdravio u kraćem susretu g. Sali Beriša, predsjednik Vlade Albanije.

Delegacija PS BiH je , tokom zvanične večere kojoj je domaćin bio ministar unutrašnjih poslova Albanije i ručka, koji je u čast učesnika konferencije priredio podpredsjednik vlade Albanije, informirala domaćine o aktualnoj situaciji u BiH.

Zapisnik sačinila:

Mirsada Bukarić-Kovačević

Rukovodilac Sektora za međ.odnose i protokol

Zapisnik odobrio:

g. Ilija Filipović, dipl. iur

predsjedatelj Doma naroda